



Broj: JN- 39/15

Sarajevo, 18.05.2015. godine

Na osnovu člana 69. stav (2) tačka d) člana 70. st. (1), (4) i (6) Zakona o javnim nabavkama („Sl. glasnik BiH“, broj 39/14), člana 8. stav (1) tačka f) Pravilnika o uspostavljanju i radu Komisije za nabavke („Sl. glasnik BiH“, broj 103/14), a na osnovu Preporuke Komisije broj: JN-39/15 od 14.05.2015. godine, u postupku javne nabavke, isporuke i ugradnje sprava za dječija igrališta na području Zaštićenog pejzaža „Bijambare“ i Zaštićenog pejzaža „Trebević“, direktor Kantonalne javne ustanove za zaštićena prirodna područja d o n i o j e

ODLUKU

o poništenju postupka nabavke, isporuke i ugradnje sprava za dječija igrališta na području Zaštićenog pejzaža „Bijambare“ i Zaštićenog pejzaža „Trebević“

Član 1.

Prihvata se preporuka Komisije broj: JN-39/15 od 14.05.2015. godine i poništava se postupak nabavke, isporuke i ugradnje sprava za dječija igrališta na području Zaštićenog pejzaža „Bijambare“ i Zaštićenog pejzaža „Trebević“ iz razloga što nijedna od primljenih ponuda nije prihvatljiva.

Član 2.

Ova odluka objavit će se na web-stranici Javne ustanove www.zppks.ba istovremeno s upućivanjem ponuđačima koji su učestvovali u postupku javne nabavke.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom direktora Javne ustanove o pokretanju postupka javne nabavke robe broj: JN-39/15 od 21.04.2015. godine u predmetu nabavke, isporuke i ugradnje sprava za dječija igrališta na području Zaštićenog pejzaža „Bijambare“ i Zaštićenog pejzaža „Trebević“.

Obavještenje o nabavci broj: 522-7-1-51/15 objavljeno je na Portalu javnih nabavki dana 21.04.2015. godine.

Zahtjev za dostavu ponuda upućen je na tri adrese ponuđača istovremeno sa slanjem obavještanja na Portal javnih nabavki.

Komisija za javnu nabavku koja je imenovana Odlukom broj: JN-39/15 od 21.04.2015. godine je izvršila otvaranje, te pregled i ocjenu pristiglih ponuda o čemu je sačinila odgovarajuće zapisnike u kojima je utvrđeno slijedeće:

- Ukupno su pristigle 3 (tri) ponude;
- Blagovremeno su zaprimljene 2 (dvije) ponude;
- Neblagovremeno je zaprimljena 1 (jedna) ponuda;
- Ponude ponuđača INTER-COM d.o.o. Zenica i ISTRACOM d.o.o. Sanski Most su formalno neispravne.

U postupku donošenja odluke, posebno su cijenjene činjenice da je Komisije pravilno i potpuno izvršila ocjenu kvalificiranosti ponuđača, pri čemu je ocjenjeno da ni jedna od primljenih ponuda nije prihvatljiva.

Ponuđač INTER- COM d.o.o. Zenica je pored referens listi dostavio **kopiju Zapisnika o izvršenoj kontroli i primopredaji robe** (isporučenog i montiranog drvenog mobilijara u zaštićenim prirodnim područjima – edukaciono informativnih panoa, nadstrešnica sa stolom i klupama, putokazima i drvene ograde broj: JN-51/14 od 20.10.2014. godine (str. 79/85) kao i **kopiju Ugovora o kupoprodaji** koji je zaključen između Kantonalne javne ustanove za zaštićena prirodna područja i INTER-COM d.o.o. Zenica (str. od 80/85 do 82/85). Također ponuđač je dostavio kopiju Zahtjeva za izdavanje potvrde o uspješno realizovanom poslu od 28.04.2015. godine.

Navedeni dokumenti nisu relevantni dokazi o uspješnoj realizaciji poslova koji su predmet ovoga postupka nabavke, tj. nabavke, isporuke i ugradnje sprava za dječija igrališta, zbog čega se ponuda ponuđača INTER- COM d.o.o. Zenica eliminiše iz daljeg postupka zbog neispunjavanja uslova za kvalifikaciju.

Ponuđač ISTRACOM d.o.o. Sanski Most je pored referenc liste dostavio kopiju potvrde o uspješnoj realizaciji Ugovora o nabavci, isporuci i montaži/ ugradnji dječijih igrališta na Vrelu Bosne.

Ponuđač nije postupio u skladu sa zahtjevima koji su navedeni u tenderskoj dokumentaciji, tačnije nije predmetnu potvrdu dostavio kao ovjerenu kopiju već kao običnu kopiju, te se ponuda ponuđača ISTRACOM d.o.o. Sanski Most eliminiše iz daljeg postupka zbog neispunjavanja uslova za kvalifikaciju.

Komisija u svemu pravilno postupila, te je preporuka o poništenju postupka nabavke data u skladu sa Zakonom o javnim nabavkama, podzakonskim aktima i tenderskim dokumentom JN-39/15 od 21.04.2015. godine.



Naime, u postupku predmetne nabavke nesumnjivo je utvrđeno **da nijedna od primljenih ponuda nije prihvatljiva** čime su se stekli zakonski uslovi za poništenje postupka javne nabavke shodno članu 69. stav (2) tačka d) Zakona o javnim nabavkama, te je odlučeno kao u članu 1. Odluke.

Kantonalna javna ustanova za zaštićena prirodna područja će obnoviti postupak javne nabavke u svrhu nabavke isporuke i ugradnje sprava za dječija igrališta na zaštićenim prirodnim područjima Kantona Sarajevo radi obogaćivnaja sadržaja za djecu i što ugodnijeg boravka posjetilaca u zaštićenim područjima.

Pouka o pravnom lijeku: Protiv ove odluke može ce izjaviti žalba, najkasnije u roku od 5 (pet) dana od dana prijema ove odluke.



M. P.

DIREKTOR

mr. sci. Osman Delić

Dostaviti:

- 1) INTER-COM d.o.o. Zenica
- 2) ISTRACOM d.o.o. Sanski Most
- 3) za objavu na web stranici Javne ustanove
- 4) u spis predmeta